



蒲城新志元



新蒲城縣志

01315

6513806



五斤

白芷

輕粉

六斤

花

散

硫

黃

不

其為末  
香油  
調  
搽  
心

續修蒲城縣志序

蒲唐有志蓋百餘年於茲矣其間  
政治之沿革風俗之轉移陵谷之  
交遷人材之蔚起日新月異非淺  
加賡續無以補前志之缺也予以廣  
後世之傳二十三年署令張公世英



光緒乙巳  
菊月重雕

而前款已耗其大半矣二十八年春  
余忝任邕邑甫下車原紳烈即以  
纂成績志請彼肯實祿甫邑外侮  
初年凡所為緩荒糧以恆民隱加差  
銀以籌贖款在上胥閭緊要迄未  
暇旁及於修志之役也次年夏余



善款六、百金。毅始以續志為己任，  
盡可也。維時稿則一手草定，費亦十  
年分擬。乃書未成而交卸。去楊公  
孝寬來宰，是邑延邑紳比部。主  
崔次寶仁取張稿而刪淫，以收付梓。  
是故於眾議而去，又不果成。蓋正是

學禮祀載之筆也款已絀而以積  
年之息餘補之則附貢生原共五名  
終經理之功也若夫採訪之得碼頭  
有馮汝駟等人沒有王天篤等人余  
不過提唱而摠其生已耳又以力之  
有焉茲幸是書既成將付剞劂用



自高陵代篆再回蒲城又因勸辦  
積穀廢擱不以遲至今春始出於公  
務之暇披閱張楊兩稿參以古志書  
之程例提挈綱維巨分以類總明  
法而有授不為大體所礙至於刪  
繁訂誤援古證今則孝廉王君

蒲城新志弁言



蒲城新志告成之明年余以履  
端之月奉大府命權宰是邑  
下車伊始總理學務處原明  
經治臣携定本來謁余且述  
其顛末謂斯志經始於前縣



物得述顛末弁法簡端俾後之覽  
者亦但有徵文攷獻之資益曉然  
於是玉之心遲之久而後成遲之又  
久而後成在固有如是之紆迴曲  
折而始了今之徑路所以竟其功  
也山左鄆城李體仁序

幸有賢令卽有賢紳俾監修  
得編纂而益彰編纂得監修  
而益顯又有原明經萃十年  
之心力搏節其貲督率其事  
款虽少而不虞竭蹶時虽久而  
不至廢弛後有繼王君而起之



尊張育生草創未竣而去續之  
者則楊縣尊伯容馬崔以詩  
孝珠主稿又以歲年不登未獲  
歲事迨李邑侯心海復聘王  
節之孝虛秉筆歎任此役閱  
寒暑無少暇乃克脩飾討論

潤邑集前賢之大成為後來  
之信史蓋不知費幾許精神  
矣余受而讀之得志其體例  
謹嚴紀載詳確茲高古簡括  
不能越朝邑韓志武功康志  
之範圍而精審賅備且有朝



父苑達人繼原君而起之董正  
者成人凡邑之政要有等於斯  
志或重大於斯志者矣難相助  
為理哉抑余叟有欬然者前令  
尹李心海今主講王節之皆余  
乙酉齋年也政事文章眇不足

與二公齒忝屬同錄而於斯志  
之監修編纂幾若 宣尼作

春秋筆則筆削則削游夏不  
能贊一辭此則匪暑自汗者  
也第以脩志流攤至今歲始完  
藉茲涓滴之助勉付於作者之



邑韓志武功康志思議所未及  
者古今同不同有識者當能辨  
之余不禁喟然曰有是哉著作  
之難也苟非才擅三長靡合双  
美斯志之成不成與成書後之  
可傳不可傳均在未定之天耳

蒲城縣新志序

甲辰春予忝膺學堂教習值

李心海邑侯續修志乘以編輯見囑自維  
學識淺陋懼弗勝任然以事係桑梓又屬  
心之所好竟不能辭也於是網羅舊聞諮  
訪近事徵八房之案牘履四境之山川鈎  
元提要訂謬正訛自去歲七月起至今春  
二月始克脫稿其體例皆定自邑尊一  
切因革去取又復親承指示業將付梓矣



林不慙之又慙歟猥蒙節之同年  
不辭風塵俗吏為謏陋為補  
叙簡端比諸元晏之叙左賦余何  
敢哉余何敢哉辭不獲已聃并數  
言中州光山健齋曾士劉識



隆中

欽定盛京志亦復如是近時同州府志又  
增

皇恩一條今仿其例可也由是而志地理  
疆域雖仍其舊而道里遠近測繪宜詳客  
民雜處戶籍須分此外如山之向背泉之  
通塞風俗之盛衰物產之盈虛或彼此異  
致或今昔殊形非精心查核未可率爾操  
觚也其次則建置徃者回逆犯境城池幾



適客自外至揖予而言曰邑志自乾隆癸卯後百餘年來記載缺如曩者縣尹張侯倡修於前繼任楊公又令人增補於後今子又從事槧鉛何也曰此邑侯之命也夫文獻攸關不厭求詳以舊志言豈無可損益之處以後志論倉卒告成遺漏亦多邑侯鄭重其事故復任予以此役也然則其詳可得聞歟曰春秋之法每歲書春王正月宋潛說友志臨安特標御製於簡端乾

考證者也若夫體國經野以教養吾民者  
有司之責也故次之以職官職官得人而  
俊傑出焉故次之以選舉選舉一途不能  
盡人物也故次之以人物至於大義所在  
無分內外巾幗而有丈夫之行女士所由  
稱也故次之以列女志若此其遂備乎故  
又以雜志終焉總之志乘不殊國史必擇  
精語詳方足昭示來茲無如此番用款支  
絀既不足延請名流又未能廣置書籍其



危土匪肆凶衙署半燬大者如此小者可  
知近者如此遠者可知前後數十年間遭  
逢多故財力交殫經營修理之故如之何  
其可畧也其次則經政撫字心勞催科政  
拙古之循良風徽堪仰今則農已病而賦  
役難寬商已疲而釐稅加重雖云迫於時  
勢要亦長民者所宜矜也其次則學校祠  
祀是固先富後教由人及神之意又次之  
以藝文金石所以備一邑之掌故而藉資

重修蒲城縣志序

是志也前邑侯張育翁倡之楊伯翁  
繼之而成之者現任心海李父台也  
先是張育翁捐廉三百金懇其師任  
先生其昌主稿楊伯翁以遺漏太多請  
崔孝珍比部增編雖經半辛之久而  
志稿猶未臻美備中間荒歉勢不得  
不延擱適去年吾友王孝廉節之主



始終編纂者僅不佞一人雖再三竄易心力交疲而知識有限究未免紕繆百出幸賴我侯主持於上刪其繁冗補其缺略始克稍有成書不然時經九載官歷五任何以遷延遲回至於今而方就緒也子亦可明其故矣客唯唯而退遂次其語如右云

光緒乙巳季春下浣邑人王學禮謹啟

所捐廉餘則烈經理生息之所出也吾  
邑近多賢尹而民不擾何其幸焉志  
既成謹述其顛末甚願後之繼是志  
而作者勿涉奢華以耗民財又烈之  
所深望也夫

邑人原烈謹敘

光緒歲在乙巳九月中澣



講堯山小學堂素負文望才堪著作  
邑尊即託為編纂苦心孤詣閱數月  
而志稿乃定其中體制詳明詞旨簡  
潔補前賢之未備啟後人之見知而一  
切不闕勸懲者概不與焉庶幾信而  
有徵可稱完璧矣統計前後採訪設  
局費用共銀五百一十兩付梓工錢三百  
餘緡此項蓋十年流攤六百金皆官

重修

賜進士出身花翎知府用候補直隸州知州蒲城縣知縣鄆城李體仁

審定

欽授翰林院孔目改選教諭保陞知縣補授盩厔縣調署蒲城縣知縣曾士剛

編纂

敕授修職郎儘先候選儒學教諭乙酉科舉人王學禮

參訂並始終經理

欽加同知銜賞戴花翎保舉候選巡檢附貢生原烈

校閱

廩

生王溫厚

附

生曹之炯



題  
卷一  
一  
一

誥 封 二 品 頂 戴 附 貢 生 原 觀

副 貢 生 韓 雲 官

欽 加 同 知 銜 戊 戌 大 挑 河 南 知 縣 前 署 滑 縣 知 縣 辛 卯 科 舉 人 王 鏞

欽 加 同 知 銜 山 西 試 用 知 縣 癸 巳 科 舉 人 王 延

候 選 儒 學 訓 導 副 貢 生 趙 毅

廩 生 馮 汝 騏

廩 生 王 學 典

廩 生 米 榮 林

廩 生 楊 搢

繪 圖

監 生 王 明 倫



採訪

附

貢

生王天篤

附

生路仰正

附

生王之屏

廩

生王炳章

增

生閻洪道

附

生李德隆

前經理

賜進士出身同知銜浙江嵯縣知縣竇光儀

欽

加訓導銜附

生王驄

晉

封中憲大夫附貢

生郭景秀

封

貢

生王鳳雛

一  
聖製

皇恩二紀理宜弁冕全書惟近世

封贈較寬若一律抄錄殊涉繁冗今恭紀

特頒詔諭與

賜復蠲租之專屬蒲邑者庶理取欽崇不至越畔

一水利礦產爲近時要務然必考察精確方可登載若隨意附會勢必貽悞將來卽如白邑南河毗連蒲境自明以來屢議開鑿然訖未舉行者良以工大費鉅未有把握之故茲於地理門中但詳其所可知疑似者不敢妄及

一物產須載其重且大者舊志於五穀六畜草木鳥獸之屬凡



正字

生

員鍾正元

捐廉

賜進士出身記名知府用渭南縣知縣前署蒲城知縣秦州張世英  
賜進士出身同知銜前蒲城縣知縣安福楊孝寬  
欽加同知銜前署蒲城縣知縣鎮安馬積馨  
欽加同知銜候補直隸州知州前署蒲城縣知縣宜賓彭樹勳  
賜進士出身候補直隸州知州大荔縣知縣前署蒲城縣知縣甯陽陳潤燦

現

任

蒲

城

縣

知

縣李體仁

署

蒲

城

縣

知

縣曾士剛

不力敦大本者特功德昭彰不僅以孝顯耳茲將忠烈賢良之屬編次於前其他無表見獨以孝聞者附之亦近時方志恒有之例

一武功朝邑二志節烈不過數人以邑志較之其數不止百倍律諸康韓二公之義法殊屬不合然善善從長與其過刻何如過寬况列名舊志及已經採訪者類皆邀

朝廷旌表安得以人數紛繁任意刪除孫酉峰先生修邵志時曾有是言姑依其說而備登之

一蒲志舊有三一係張侯舜舉修一屬汪公元仕輯其一則乾隆末令尹張心鏡增補之本三志各自爲書首尾分裂難窺全豹今合爲一編俾上下數千年事蹟可以一覽瞭然惟體裁未



通省所有靡不開列且每條加以註釋蕪濫殊甚茲惟取蒲邑特產者登之餘概從略

一八景名目不見古志當前明時士大夫官北京者不過偶然標題藉爲游覽之資厥後各郡邑效之無論大小概稱八景甚無謂也今遵賀氏三原志例屏斥弗錄庶免附會之失

一學校祠祀關繫綦重明包節陝西行都司志隸二者於建置中四庫全書提要駁之吾邑舊志亦蹈斯弊此次各立專門庶育才事神之端不與亭堂廨舍相雜云

一樂史太平寰宇記廣收藝文識者譏之今遵范氏吳郡志例凡文筆之有關掌故及表彰節烈者皆用雙行小注綴於各條之末至於先正著作第列書名而已他如金石備錄全文係仿

卷首

聖製紀

皇恩紀

卷一

地理志

輿圖 風俗

疆域 物產

沿革

山川

古蹟

陵墓

卷二

建置志

城池 驛鋪

衙署 津渡

公所

倉廩

堡寨

市鎮

卷三

經政志

戶口 保甲

田賦 救荒

屯衛

差徭

釐稅

鹽法

卷四

學校志

學宮 會館

學署 文會

學額

學田

學堂

考院



當蒐討未精統俟來哲加正焉

人物志下 軍功 孝友 義行 耆德 方技 流寓

卷十二

列女志 賢孝 割骨 節婦 貞壽 苦節 雙節 烈婦 烈女

卷十三

雜誌 兵燹 祥異



卷五

祠祀志

廟壇宮祠

卷六

藝文志

經史子集

卷七

金石志

卷八

職官志

知縣 縣丞 教諭 訓導 主簿 巡檢  
典史 武職 先表後傳

卷九

選舉志

徵辟 薦舉 進士 舉人 武進士 武舉  
五貢 軍功 別途 恩蔭 以上係表

卷十

人物志上 忠節 賢能 儒林 文學

知縣李體仁重修

邑人王學禮編纂

聖製記


記曰王言如絲其出如綸王言如綸其出如紵良以天  
語煌煌寰宇所同欽也近世郡邑諸志多首列宸翰  
揆諸尊王之義允爲正軌此理不明吾恐人心浮動風  
俗囂陵充其流弊將有裂冠毀冕而莫可挽回者是用  
拜手稽首恭錄

聖製記

康熙二十二年十月二十四日

諭賜 晉贈太子少保 予謚恪敏原任陝西延綏總兵官許

占魁碑文







露復如電當作如是觀  
攜歸茲玉天寧行宮復  
同若異惟以金剛四句

偈

石佛默識所好既成小圖  
為佛喜清供若大若小若  
和朔日御筆並識

道光十七年

御書賜大學士王鼎七十壽匾聯

靖共篤祐

綸扉協贊承恩近烟閣銘勳受福多

道光二十二年五月初一日內閣奉

上諭大學士王鼎持躬正直植品端方體用素優忠勤懋著嘉  
慶年間荷蒙

皇考仁宗睿皇帝由翰林洊擢卿貳朕御極後見其心地純樸



稽古建業驅策羣力不吝爵賞以勸有功昭示後世用傳不朽所以勵忠蓋甚備也爾許占魁性行純良才能稱職行閒効力久鎮嚴疆爰授世及之榮以示酬庸之典忽聞奄逝甚悼朕懷特賜諡曰恪敏勒諸貞珉光及泉壤國典臣誼庶昭垂無斃哉

道光七年

御書賜戶部尙書王鼎六十壽匾

宣勤受祉

御製軍機大臣戶部尙書王鼎象贊

國之大臣先乎品行命贊樞機言謹事敬職思度支精勤報稱靖共乃心以襄庶政

道光十二年五月二十二日

諭賜 晉贈太保 予謚文恪原任大學士王鼎祭文

維道光二十二年歲次壬寅五月己酉朔越祭日乙亥

皇帝遣禮部尚書龔守正諭祭於晉贈太保予謚文恪原任大學士王鼎之靈曰朕惟峯高華嶽鍾靈生輔弼之賢位正台端佐治重鈞衡之任矧參機務於論思之地日贊摠誠更樹豐功於垂暮之年瀾安奏績遽嗟長逝彌切軫懷用表遺徽式陳潔祀爾晉贈太保原任大學士王鼎禔躬正直立品端方始擢詞垣早應臚雲之瑞洊躋端尹聿升卿月之班拔多士以掄才西江視學歷五曹以布化北闕承恩在皇考悉其材能俾依鼇禁洎朕躬嘉其敷歷旋長烏臺臨浙水而疑獄平反蒞邗江而嵯網整飭旣著寅清於中外宜參辰告



辦事認真日加委任俾令與參樞密入贊綸扉十餘年來從無過失上年派令赴河南辦理祥符大工鉅任獨肩尅期蕆事晉加太子太師銜以獎其勞復命時見其精神疲乏特降旨賞假兩次旋因奏請展假復給假一月令其安心靜攝方期調理速痊藉資倚畀詎意數日之間遽於寓園溘逝遺章披覽悼惜殊深著加恩晉贈太保照大學士例賜卹入祀賢良祠賞給陀羅經被派成郡王載銳帶領侍衛十員卽日前往奠醊並賞給廣儲司銀一千五百兩經理喪事准其入城治喪任內一切處分悉予開復伊孫王瓌王瑄王瑩俟及歲時由吏部帶領引見候朕施恩應得卹典該部察例具奏欽此

道光二十二年五月初四日內閣奉

以安間何期數日之間竟作千秋之訣帑金厚賜經被遄頒先遣藩翰以酌卮已設蘭肴之供復諭樞臣而代奠載臨柳翼之移三公加太保之階百世永賢良之祀錄諸孫而恩施及歲治喪事而殯許入城於戲陳用人行政之大端造膝深資碩畫明事君致身之大義鞠躬不愧名臣薦此苾芬尙其歆受

諭賜 晉贈太保 予謚文恪原任大學士王鼎入祀賢良祠  
祭文

朕維經綸匡贊人臣報國之忱俎豆馨香當亡酬庸之典矧其入參機務出奏膚公聿懷昕夕之勞勒旂常而弗替用秩春秋之祀式靈爽以長存爾晉贈太保原任大學士王鼎積學淹通植躬端謹擢詞垣而聲蜚玉署領史職而秩晉芝坊督學洪都萃羣



於禁庭秉一德而德意咸孚。林致隆平之化，助萬幾而幾康。允  
弼深資，啟沃之謀屬以。西徼行師，中樞載筆。定遐邊於萬里，實  
密啟於一心。眷乃成勞，許青驄而緩轡。優之寵異，錫翠羽以彰  
纓。况乎綜憲部而理農曹，攝中丞而權制府。靡不允符人望，克  
副朕知。是宜正席綸扉，晉銜宮秩。至其六司秋試，三典春闈。芸  
館培英，更給南齋之札。經筵侍講，屢邀東壁之榮。蓋具房謀，杜  
斷之才。旣覘國器而宏琳古，舒今之學亦號儒宗。服官垂五十  
年，白圭無玷。入直將二十載，黃閣宣勤。近以豫土之大工，俾司  
河渠之要務。事誠昭其執掌，力獨任夫仔肩。奉命遄征，煥絲綸  
而親承指授。思殫區畫，冒霜雪而遑問宵昕。令速如風，繕完恐  
後。功成不日，修築以時。旣集崇勳，特加楸賞。詎積勞於夙夜，已



承用彰渥被

諭賜 晉贈太保 予謚文恪原任大學士王鼎碑文

朕惟中朝耆宿夙昭篤棐之忱元老鈞衡允賴翼爲之力矧功業克兼夫中外贊襄無間於初終宜勒貞珉以昭夔憲爾晉贈太保原任大學士王鼎居心端謹立品剛方始擢詞垣翺翔中禁洊躋端尹焜耀華資歷五部以宣猷肅恭匪懈撫中州而建節威德兼施視學則芹藻流芬典試則杞榘入貢禮闈校士鵠袍徧列夫羣英蓬苑培才鳳羽欣歌夫吉士經筵史局凜紀注於丹鉛東壁南齋久趨培於翰墨裕國用以正鹽菑利普牢盆折疑獄以得民情法申囹圄惟學問素知其練達斯機宜重藉夫勳勩論道經邦房謀杜斷密勿佐西陲之績翠羽酌庸馳驅

材而選俊兼官京兆歷五部而宣勤荷

皇考之特知幾周槐列洎朕躬之簡畀游長柏臺浙水乘輅獄  
情斯得淮河擁節離政一新頌聲已溢於中州惠政復行於畿  
輔既而俾依禁籞深資碩畫之陳旋即入直綸扉允協老成之  
望侍南齋之翰墨丕播鴻文埽西域之欃槍楹揚駿烈騰成勞  
而錫寵轡控華驄舉異數以酌勛冠影吉羽宮銜疊晉屢侍講  
讀於經筵師範常尊更育英賢於芸館秉文衡者歷九省贊樞  
軸者幾廿年屬以巡視豫工督修河務築金隄而孔固備見忠  
勤望瑤闕而言旋已形勞瘁方謂微疴偶抱兼旬攝衛而自痊  
不期遺疏遽陳一旦朝參之永隔儲鏐賜斂經被飾終推殊恩  
而預錄諸孫贈顯秩而特加太保迭遣重臣而代奠許歸私第

以治喪禮重易名碑刊遺跡式頒曠典載薦明禋於戲敢沃一

望茲據李星沅題稱蒲城闔縣紳士呈請入祀鄉賢祠允宜特  
沛恩綸俾資矜式王鼎准其入祀鄉賢祠毋庸交部議奏欽此  
同治元年

御賜東嶽廟威鎮重泉匾額又

賜城隍廟匾額曰蒲津保障



邀北闕之恩花驄按轡弼幾康於一二日夙夜宣勞矢勤慎者  
五十年老成著望屬以金隄偶決玉節邁征風雪衝寒仗精誠  
之貫澈波濤順軌聽號令之嚴明操勝算於宣防歌傳瓠子得  
經流於故道浪靜桃花緩赴庚郵俾靜心以休息進趨午陛喜  
造膝之從容報功而特晉宮銜給假而庶安園寓方資倚畀遽  
告淪徂爰頒經被之奇珍載錫帑金之厚賻太保蔚公孤之秩  
綸綍優褒崇祀增俎豆之光賢良永譽宗邸命申夫奠醑樞臣  
代致其馨香入城而特備哀榮難忘相業錄後而佇邀寵遇藉  
慰幽魂聿彰懋賞之文並重易名之典謚之文恪象厥生平於  
戲喬木興懷永賁松楸之色豐碑紀實常留桑梓之輝用申眷  
於無疆尙寅承於弗替

知縣李體仁重修

邑人王學禮編纂

皇恩記

苟無歲何有民苟無民何有君誠哉是言也蒲邑地勢  
高燥全賴天澤歲或不登饑民輒倍他邑幸賴 朝廷  
蠲租發粟多方賑卹始不至盡委溝壑世有食毛踐土  
而仇視君上者曷其奈何弗思耶敬述

皇恩誌

康熙四十九至五十一年荒旱相繼奉

旨借給牛種共領銀三萬二千兩有奇

乾隆元年十月奉

上諭將元二年錢糧均豁免一半





二十四年因西陲用兵辦理軍需踴躍急公額征錢糧減免二成

三十六年

皇太后八旬萬壽錢糧通行豁免

三十八年因辦理金川軍需踴躍急公額征錢糧分作三年帶征

四十三年

皇太后仙馭升遐額征錢糧通行豁免

五十七年秋旱減免二成錢糧賑銀四萬五千餘兩

五十八年恭逢

八旬萬壽錢糧豁免一年每年免十分之三

三年被雹成災蒙 恩賑卹有差

四年西鄉安樂坊一帶村堡並北鄉洞子溝等處共三十二村  
夏禾被雹勘明六七八九至十分不等成災民地一百九十一  
頃三十畝九分當經詳明借給倉糧照依應免分數共免地丁  
銀三百九十一兩八錢九分七釐

十一年奉

旨錢糧通行豁免

十三年夏無麥秋又無禾蒙 恩加賑六次共銀一萬三千五  
百二十六兩四錢米二萬石有奇豁免錢糧五萬七千有餘緩  
征銀四萬四千三百九十八兩九錢二分九釐

十七年秋禾被旱蒙 恩加賑四次共米一萬一千七百九十

發帑賑濟錢糧概行豁免

二十六年大旱豁免錢糧七萬八千餘兩先後

發帑銀三萬五千兩

二十七年豁免銀五萬三千七百二十一兩有奇又蒙

皇太后 恩賑陝省銀十萬撥給蒲城三千兩

三十年

皇太后七旬萬壽 恩賞貧民銀三百六十兩



清城縣志卷之首  
六十年因元旦日食將前三年帶征錢糧全行豁免  
嘉慶元年庠生常元一耆民曹維邦赴京應千叟宴

御賜銀牌荷包黃絹紅綾鳩杖等物

四年因教匪蹂躪減免春征十分之三

五年秋旱減免錢糧六成

十年秋旱緩征半年錢糧

道光十五年

皇太后萬壽將十年以前民欠錢糧全行豁免

二十五六年大饑豁免十年以前民欠錢糧

同治六年因狃獫滋擾豁免六年以前民欠錢糧九萬二千餘

兩

八千糧食水火谷色民之變量六萬有千

知縣李體仁重修

邑人王學禮編纂

地理志

自周禮保章氏以星土辨九州之地後世志地理者多兼列天文仰觀俯察於義亦宜惟區區一邑上應幾何且天象幽遠考稽良難此武功高陵諸志所以俱從其畧也若夫繪輿圖畫疆域考沿革辨山川以及古蹟陵墓之繁物產風俗之異皆職方氏所必錄也作地理志

蒲城縣志卷之首



富平縣

全境圖



# 縣境全圖

每方十里

蒲城縣志卷之五








# 縣境

## 分圖

每方五里

東北鄉





吳家村  
戴家原  
單家原

池兒趙家  
池兒張家

椿樹楊家  
岳興村

平鐵趙家  
平鐵高家  
平鐵胡家  
東王家

萬興村  
西伏龍

新原坊  
東洞耳  
西洞耳

綠岩家  
馮家村  
西安豐  
東安豐

荒地  
韓家  
馬家  
原家

岳興村  
蔡家寨  
南王村

平路村  
王寨  
浦石村

東伏龍  
西伏龍

井村  
北白園

中白  
南白園  
民地  
中蘭家

三寨寨  
尹莊寨  
北漢底△南漢底

念王村  
小寨  
龍陽鎮

望溪  
郭家

披北灣裏  
北灣裏

西蘭家  
黨木鎮  
南王  
寺前頭  
杜家

善化村  
東沙坡  
西沙坡  
加買家  
沙浦楊  
廟河

念王村  
小寨  
龍陽鎮

劉家  
東屈家  
西屈家

張王莊  
五更村

金鉤金  
平頭村

石鹿鎮

渭南界

荔界

清或系所示

東南鄉

四

# 縣境分圖二

東南鄉



蒲城縣志卷之二

三





# 縣境分圖三

西南鄉



蒲城縣志卷之二





西北縣境分圖四

灌城縣志卷之二



宜君界  
馬水

白水界

白水孟陽村

白水界

白水魏家河

栗園山

白水魏莊

白水郭莊畔

白水劉家河

同官界

馬家山

白水魏家河

萬斛山

富平界

銅斗山

富平界

富楊家峪

富平界

富南鄉村

富平界

富平界

奔鎮


靈山

富平縣

富平縣系所志卷之二

十山圖

七





# 十山圖


蒲城縣志卷之一




孫莊

一





# 洛水圖



洛水圖  
 卷之二

沿革

**虞** 雍州地 禹貢雍州西黑水東西河邑實東境地

**夏**

**商**

**周** 賈國

初附畿甸宣王時屬賈國左傳芮伯梁伯賈伯伐曲沃又有賈大夫如臯射雉事戰國初屬魏後入秦

**秦** 重泉縣

史記秦簡公二年塹洛城重泉始皇時屬內史

**漢** 重泉縣

項羽入關分秦地王三降將重泉屬塞高祖定三秦

隸河上郡景帝時屬左內史武帝更左右史為三輔又屬左輔新莽改名調泉屬列尉大夫東漢復舊又併徵為重泉地徵即今澄城



按周禮土訓掌道地圖職方氏掌邦國都鄙之圖圖之為用  
視書尤切舊志所列圖式謬誤良多茲就李茂才桐軒測繪  
原本計里開方重加攷正庶長短廣狹及一切山水鄉鎮可  
以展卷瞭然已

疆域形勝附

蒲境東西一百里南北八十里由縣治東至澄城界五十五里  
至澄城縣治一百里西至富平界四十五里至富平縣治九十  
里南至渭南界四十五里至渭南縣治一百一十里北至白水  
界四十五里至白水縣治五十里東南至大荔界四十里東北  
至澄城界七十里西南至臨潼界七十里西北至同官界九十  
里在府城西北八十里在省城東北二百二十里在京師西南

元蒲城縣 中統元年省至元二年復置初屬同州後屬華州

明蒲城縣 洪武二年屬華州

國朝蒲城縣 初屬華州雍正十三年同州改府縣隸之定為繁疲

難兼三調缺

輿地有沿革鄉社隨之漢以前邈矣唐二十二鄉元和初析神泉隸富平奉豐陵十五年以櫟陽縣萬年鄉來屬奉景陵附宣化豐陽甯康三鄉宋有呂甯善化崇德翔鸞普濟懷仁蒲城厚陽賢相之十鄉管宜安孝仁懷化豐山懷仁五龍聖母沮泉積善勳貴之十里金元更九鄉四鎮二十五坊明初四鄉管六十七里旋廢中和安義興安安甯崇信新安聚賢七里併萬興永平浮陽浮山通智永泰東陽孝義永興永昌為五里凡五十五里



魏 重泉縣

晉 重泉縣

明同州舊志魏晉時俱併澄地入重泉屬左馮翊

後魏 南白水縣

太和十一年析白水縣置隸白水郡尋移郡來治永

平三年郡又北徙

西魏 蒲城縣

恭帝三年更名仍隸白水郡後周因之

隋 蒲城縣

開皇三年隸同州煬帝大業初廢同州復屬馮翊郡

唐 奉先縣

開元四年置橋陵金嶷山更名奉先隸京兆十七年

升為赤縣穆宗長慶四年割澄地益之天祐三年屬

同州

五代 奉先縣

梁屬同州唐屬雍州周屬京兆府

宋 蒲城縣

開寶四年復舊名建隆中自京兆隸同州天禧四年

改隸華州金因之



西鄉悠久圖 湖北 河南圖 河南

南鄉三善圖 湖北

北鄉駿良圖 湖北

山川

栗園山 西安府志在縣西北六十里

馬冢山 宋敏求長安志在縣西北五十里重巖複谷易為盜藪

銅斗山 長安志在縣西北四十里西連富平萬斛山形勢峭削

盤旋如斗在馬冢山南其北五里有白馬谷

金幟山 程大昌雍勝畧在縣西北三十里山勢高聳鋪張有如

懸旆故名在銅斗山東南

豐山 一名蘇愚山 在縣西北十五里距金幟山東附近有炭谷

國朝乾隆間又併善政入善化爲五十四里列目於左

東翔鸞鄉統雙桂誠意甘泉郭莊溫湯普濟金粟戶安平路常樂奉先留村永豐興平十四里

西龍樂鄉統尙義保善思文思武宣化崇德封村安樂和睦彭村荆姚甘池仁厚浩泉十四里

南呂原鄉統懷仁興仁世興安豐南石重黨睦賈曲高閣善化車渡通義孝同懷德興義十五里

北賢相鄉統旌賢陽山宜陽下馬陶池六井通泰加祿蘭泉東孝興昌十一里

自光緒三年奇荒後戶口零落土地半屬荒蕪及十年招客開墾湖北河南之民占籍者甚夥十五年始編立八圖一體

升科與土著等名附後

孤峙俗謂之孤山

**金粟山**在縣東北二十五里雍勝畧山有碎石若金粟故名此山西偏有山甚秀麗土人名曰嶧山

**木屐塹**在縣東四十里方輿紀要塹有四在沮水旁舊傳禹治水至此屐下棄泥積成塹各周二里崇百尺

**紫荆原**在縣南三里西連富平涇陽東達朝坂綿亘二百餘里李申耆輿圖云是荆山別支

**洛水**寔字記亦名沮水初由白水入邑東北境至三眼橋合南河水南流經蔡鄧橋梓坡麻家渡抵湫頭復屬澄城界南行五里又入邑境至曲立大谷河自東北入之又南至陵起折而西流歷武備常樂諸村達於晉王復折而南過李家灣入大荔界



後廢

堯山在縣正北三十里水經注堯山一名浮山堯時洪水為災

諸山盡沒惟此山若浮故名省志堯山在豐山東有靈應夫人

祠祠後有泉水清冷不竭禱雨輒應石罅中多古柏望之蔚然

其南數里曰重山以與堯山有重疊之象故名東又有紅土坡

狀若筆架邑人趙世英詩云絕頂縱寥濶橫目遊入表古柏如幽人高樓託岩貌峯壑作四鄰朝夕謹拱抱仙蛻有

奇迹詭秘猝難曉城中塵盈尺對此在蓬島何當結茆屋一脫樊籠小

以上諸山皆荆山大幹自富平東入邑境者故敘列當由西

而東若邑東北諸山其勢向西南行與縣北羣峯並不相連

察其來脈乃梁山之支自澄踰洛入蒲者也是以自東之西

另誌其梗概云

東鹵池雍勝畧在縣南二十里土人名安豐灘漢宣帝微時嘗困於蓮芍鹵中卽此後蓮芍縣廢地屬蒲唐書地理志奉先縣有鹵池二大厯十二年東池生瑞鹽後勅禁不復生

西鹵池在縣西南四十里卽明斗村之高春渚池遇旱不涸鄉人取水熬鹽供一方用康熙十六年知縣李國亮增地租三千民頗苦之今鹽歸官運禁民私熬租金竟不可免

白鹵泄渠在縣南四十里與甘池入公灘通西連高春渚產硝東南數里有溝澗兩崖土可煎鹽鹵水泛溢泄於此

平路泉在縣東南二十里

白馬泉在縣東南二十五里

常樂泉在縣東南四十里

迤邐八十里

白水

俗名南河

在縣北四十里魏書地形志南白水縣有白水

源出同官合烏泥川水流入縣西北境或名丁家河或名高家河皆以旁水居民為名東經下馬宜陽通泰加祿諸里至五龍山陰入洛

漫浴池

一名漫泉河

長安志在縣西十五里源出董家村其水

微小南入賈曲灌葦田數頃

溫湯在縣東六十里源出沮水東岸石穴中四時溫煖可浴灌蔬田頃餘旁有太湖山平地突起周數里高十餘丈危峯嵌峿狀頗清奇

晉王灘在縣東南三十里洛水北岸有泉二舊灌葦田十餘頃

今甚散佳難也次兼與昔詩同邑人和鼎詩云古庵行盡立蒼



城不過十餘里疑卽當時舊蹟

**重泉故城**括地志在縣東南四十五里今名重泉村

**鹵王宮城**長安志在縣南四十里相傳有男子過灘見一人浴而落水男子誤服其衣忽有龍出被震擊尋不知所在始悟浴者龍也里人異之爲立廟曰鹵王宮禱雨輒應後訛爲魯王宮古蒲城長安志在縣東三十里

**奉先故城**賈志在縣東三十里今名奉先里

**晉穆公寨**長安志在沮水東岸五里晉穆公屯兵處

按晉無穆公應是穆侯史記晉世家穆侯七年伐條條晉邑在今朝邑縣西南

**晉太子虛糧寨**長安志在縣東北六十里虛糧史傳無聞

右三泉俱纖流灌田無幾

浩泉在縣西二十里橋陵前旁有蓮子池泉久涸池亦荒迷父老相傳署前照壁下有泉又南數十步亦有泉二泉滙流穿南城出灌麻數十畝今其地猶稱麻池術家謂其泉不利於令遂堙之或云重泉得名由此此外如山陽堰在縣北十七里唐置陵寢而修今亦廢

古蹟

賈城長安志在縣西南十八里爲春秋賈大夫食邑今名賈曲

屈洙詩云漫道村莊俗村如此亦佳遠山橫道岸流水近人家樹樹懸青棗畦畦長綠葭源泉有眞液倩火煮新茶

晉城在縣東南四十里舊傳晉公子重耳出亡於蒲所築或又以秦孟明敗後晉建城爲屯守計

秦長安志云秦孟明敗後晉建城爲屯守計

蟠龍神原亦名蚪落原在縣西三十里舊志唐明皇遊幸見雲

霧中有黃龍狀於下得石象如蟠龍因以其地為龍樂鄉

公主飲馬池在縣東北二十五里秦陵後葬元宗時公主飲馬

於此

仙臺觀長安志在縣西二十里橋陵南唐金仙玉真二公主入

道置此

甜水井在縣西南四十里唐憲宗元和元年奉梓宮葬豐陵道

經此水鹹不可飲以方士柳泌言禱而決之得泉果甘因名其

處為甘泉俗呼今名

五折衝府唐建曰相原孝德溫泉宣化懷仁各設兵以衛五陵

唐亡遂廢



蘭昌宮在縣東北二十里秦公主葬此

避難堡在縣東北六十里澄城界李吉甫元和郡縣志春秋魯文公十年秦伐晉取北徵卽此城俗名避難堡

龍首渠在縣東南三十里史記河渠書莊熊羆言臨晉民願穿洛以溉重泉東萬餘頃地於是發卒穿渠自徵引洛至商顏下崖善崩乃鑿井深者四十餘丈井下相通行水穿渠得龍骨故名龍首渠周書武帝紀保定三年開龍首渠元和志同州西有乾坑龍首渠尾也

按龍首渠舊志均未載以今考之縣治東南三十里曰平路廟本名龍渠鎮鎮南之村曰伏龍曰龍陽均以渠得名且皆距洛咫尺其西偏有南洛北洛二村折而東南又有地曰漁

李潤堡寰宇記在奉先縣東北五里通鑑晉太元十年魏褐飛攻姚漢得於李潤堡李延壽註馮翊東有李潤鎮魏書地形志太和十一年廢馮翊郡置華州治李潤堡

野人堡在縣西北晉書太元十二年苻登將竇衝叛登攻衝於野人堡

白水郡故治一統志在蒲城縣西北

### 陵墓

唐睿宗橋陵在縣西北三十里金幟山陪葬明肅劉后昭成竇后惠莊太子惠文太子惠宣太子金仙涼國鄜國三公主及彭國公李思訓王禮考又有節愍太子重俊宜城金城長甯成安安定五公主祔乾隆四十年知縣馮方艱奉文修築牆垣週圍



五驛亦唐置昌甯

在城內

通智

在景陵下

堯山

在光陵下

孝城

在泰陵下

豐山

在橋

廢後俱廢

杜家村在縣西南二里唐杜子美流寓處

侯家原在縣南四十里元侯伯仁故里

花園在縣東三十里明高士白爾瑜營後因名村

弔忠泉在縣署西側明縣令朱一統殉節處

仙蛻厓在堯山金皇統九年旱邑令馬揚禱雨於靈應夫人祠

雨大霈因增修殿宇於峭崖中得軀一具石骨相附儼若一體

眾異之徙置旁壁題曰仙蛻崖

觀音洞在縣東南四十里常樂村西明萬曆中崖崩見一洞有

石觀音軀二又有石獅象諸儀物因名



慶典祭告不拘年限

邑侯曹之升詩云君不見龍之蜿蜒鳳之跂出自北門十五里乃有佳城凸乎中巍

然一代唐天子憲宗初政不可及所竇惟賢得其理黃裳獨薦神策軍僭叛削除蜀道砥涼晉國公平准蔡御門受俘功莫擬如何晚年任闈宦當時豈為金丹死紫陽綱目多微辭皇甫令狐都足恥日宮深閉雲幄還入駿閑閑去何駛千秋萬歲徒侈談遊人太息秋風裏吁嗟乎奉先城外幾唐陵生時則榮沒亦已中興之主乃弗朽俎豆光昭今若此又不見金幟山頭翠柏叢一片暮烟向空綺邑人劉震詩云年自元和幾百秋雲橫金幟日悠悠夜臺衣冷坤靈守山館香銷野鹿遊恢復已能平僭叛握符真肯用忠謀可憐晚節侈尤怠變起中和殿血流

穆宗光陵長安志在縣北三十里堯山甯康鄉普濟延興二村

封內四十里下宮去陵五里陪葬恭僖王太后貞獻蕭太后

讓皇帝惠陵在縣西北八里唐書宗室傳讓皇帝元宗兄甯王

憲也遜位元宗開元二十九年薨追尊為帝葬惠陵陪葬鄭王

鏐嗣甯王琳同安王珣蔡國代國霍國三公主祔俗呼兄讓塚

長一百丈高六尺厚三尺守陵戶十名諸陵並同惟惠陵稍減  
按富平志節愍太子及宜城諸公主陪葬中宗定陵與王禮  
考岐俟考

元宗泰陵長安志在縣東北三十里金粟山懷仁鄉敬母村封  
內七十六里下宮去陵五里陪葬元獻楊皇后及內侍高力士  
大唐新語元宗初謁橋陵見金粟山有龍盤鳳翥之勢謂侍臣  
曰吾千秋萬歲後宜葬此得奉先陵後因創寢園

杜甫詩云金粟堆前松柏

裏龍媒去盡鳥呼風殆指此邑人趙晉詩云雲橫金粟倚蒼蒼  
策馬重經輦路傍山腹龍蟠佳氣在嶺頭麟卧斷垣荒玉環不  
返三生夢石穴空遺萬古藏洛水潺湲聲未歇行人獨自憶蓮  
湯何芬詩云開元遺事繼貞觀俗儉風淳號又安花萼樓中供  
大被紫微省裏羨峩冠新臺醜啟邊愁入馬嵬神  
傷蜀道難鞞鼓漁陽聲尙在優伶百態解追權

憲宗景陵在縣西北十五里豐山陪葬懿安郭太后孝明鄭太



金應奉翰林文字張建墓在城西二里

御史段繼昌墓在縣東八里有石器

元奉先郡公奧屯貞墓在縣南

勅旌七世同居王理墓在縣東北三十里葦村

樞密使薛祿墓在縣南宜安村

明太子文學元進士趙晉墓在縣東北葦村

兵部尚書趙端墓在縣東北十里堯山村

翰林五經博士馬巨江墓在縣北二十里

春坊贊善姚哲墓在縣南四十里

御史李松墓在南門外

太常卿王勉墓在城東南三里



清城縣志卷之二  
周賈大夫墓在賈曲左傳賈大夫惡娶妻而美三年不言笑御以如臯射雉獲之其妻始笑而言今其地有射雉紋石

魏太尉鄧艾墓在蔡鄧舊傳村名本此

按艾棘陽人平蜀後爲鍾會所戕葬綿竹天池之南此安得有墓豈後裔居此葬其衣冠歟

隋持節大將軍蘇孝慈墓在縣西四十里

唐平原郡公員半千墓在縣北今失所在

太子率更呂才墓在縣南十里宜安村

魏晉公薨墓在邑南七里

五代竇司徒貞固墓在縣北罕井

宋寇萊公祖墓在縣南四十里可村

右通政屈灼墓在城北二十里重山後

巡撫樊東謨墓在城南十里

太常少卿李應策墓在縣東北十五里

監察御史王道純墓在西門外

國朝提學李馥蒸墓在城南二里

御史米襄墓在城南五里

總兵許占魁墓在城西南三十里

徵士屈復墓在城東南四里

道員張士範墓在縣西南四十里子觀察汝驥祔

太保文恪公王鼎墓在城西南八里忽家村西子翰林沆姪翰

林塿祔

員外郎關魯森墓在東門外

參政王臣墓在城南五里

員外郎原寀墓在西門外

行人司副雷雨墓在城南五里

御史魏秉主事魏運開幕俱在縣西南四十里

給事中屈銓弟知府欽子知府燦墓在城西五里

御史姜實墓在城西五里

知府韓坤墓在縣北

知府忽鳴墓在縣西十五里

參政張稽古墓在縣西十五里

副使王元命墓在城南七里



子戴皂芽紅花串子曰避毒 端午佩艾葉飲雄黃酒以角黍  
餽親友 六月六日奠湯先曬衣與書 七夕閨人以瓜果  
豆芽作乞巧會 中元書院士子祀神釀飲終日 中秋餽月  
餅張彩燈城內尤盛 重陽蒸棗糕餽戚黨士人攜酒登高  
孟冬朔用薄綿裝紙衣焚之先祠以備幽寒 冬至學徒祀先  
師孔子拜尊長如元旦儀 臘月五日食五色豆云已毒 八  
日煮粥祀先 二十四日祭竈製糖如瓜狀獻之自此至年終  
嫁娶不卜日 除夕懸祖先影像於中庭薦肴酒焚紙幣家飲  
守歲此時俗之大凡也 男子冠禮第於娶婦時行之婚姻論  
財前令屢禁不能止庚帖不遵成式男家但書恭候金諾女家  
但書恭允明問以致悔親與訟者有之 娶婦不親迎披紅帛

觀察王師道墓在西門外

都轉王溥墓在西門外子主事集祔

布政使張瀛墓在縣西南五十里

烈女王蘭兒墓在賈曲西

烈女馬蘭香墓在城西演武教場

烈女蔡德昭墓在北關方城外

張烈婦墓在城西五里鋪前

風俗

元旦貼桃符鳴爆竹祭先畢卑幼拜尊長聚族歡飲 二日親

屬各詣門拜節 五日製紙婦人乘夜出之外名送窮 上元

日倣古儺禮逐疫夜設燈山通衢光明如晝 二十三日剪紙



堅凝濱洛一帶多棗出自直社曹村者尤佳堯堡之瓜永平之梨五龍山左之柿桑渠川之白黃瓜與葱皆香美可食桑落酒舊著名見於杜工部詩今無晉王雖產鹹然挄土瀝水煎熬成塊與鹵泊灘之鹽均大費人力自光緒六年嚴禁私鹽近灘居

民生計益艱

節錄馬紹訓會勘鹵泊灘稟云敬稟者卑府奉委前赴蒲富所屬之東西兩灘督飭該縣嚴禁私熬

私曬協同各地方官查拏私販俾清引地而裕課源等因奉此仰見各憲裕課緝私不分畛域之至意卑府即於十月十六日至蒲城督同張令榮升及河東委員程經歷長祐親赴東灘詳細履勘訖旋於二十三、四日馳赴西灘函約富平縣樊令增祥會同查勘周歷二境詳訊土人乃知鹵泊灘者其名甚鉅實則所產無多以全勢論東西號稱五六十里其實東灘不過四五里灘腹三十餘里悉屬荒坪西灘不過十里灘尾歧出里餘狀若蟹鉗其中盡生荒草除腹與尾計之兩灘約地十餘里而止此十餘里中自李唐開採至今又有無數荒坑鹵乾鹽竭其實在產鹽者不過數里而已今查得東灘四旁種麥中為鹵地其法因地鑿池作畦間有積水深四五寸卑府等傳集鄉約責以違禁私開對曰是確非鹽且謂此灘確居十九鹽僅十一確鹽



簪金花俟諸門外婚之夕諸少年鬧房殊傷雅道 喪葬演戲  
延諸生吉服贊禮以爲觀美酒肉欸客率尙豐腴祭先亦如之  
各鄉二三月間多歛錢祀社或一村或數村旗幟飛揚金鼓  
喧騰殆如狂然其最屬淫祀莫如南北二賽南賽在五更村祀  
東嶽北賽在延興祀堯山聖母屆時梨園紛集車馬填塞一切  
浮靡足抵中人數十家之產蓋其風尙然也 民性質實勤儉  
力農者多逐末者少士崇實學恥奔競道咸時率好鬪健訟近  
漸熄惟兵荒後諸物昂貴生計維艱兼自洋藥盛行吸食者幾  
十之六傷生耗財莫此爲甚昔年富室率多零落市鎮鋪戶迭  
經倒閉士子讀書半生不免困守敝廬而婦女首飾與一切賓  
朋宴會益趨奢華江河日下可懼哉

其屬貨殖者則有慶興之磁器陶池之石灰蔡鄧之煨炭硫磺  
黑礬與夫白吉寺賈曲之蘆葦雖民用攸資獲利俱甚微至若  
客商販運達於遠方者厥惟興市鎮之棉紙鞭炮爲土貨一大  
宗此外如藥之防風遠志麻黃棗仁民間亦採取之特瑣屑不  
足數云



之辨鹽在水面硝在水中鹽惟盛夏炎蒸鹵潮上泛可於畦面  
埽取二三斗俗名白不鹹其餘各月則採硝而已復據稱硝之  
售路十倍於鹽陝之同州涇原豫之靈寶凡產皮之地非此不  
成因思律令禁鹽不聞禁硝硝爲皮工之要物皮爲釐稅之大  
宗若一併查封似亦於餉源有礙獨是因鹽而廢硝固與皮貨  
相防因硝而縱鹽尤恐潞綱有碍應請憲台出示嚴禁附灘居  
民於撈硝之外不得私毫掃取小鹽庶張弛咸宜而不相背此  
查明東灘委實曬硝而非曬鹽之實在情形也復查得西灘介  
蒲富之間其地蒲多富少卑府等協同河東委員履行兩日黃  
沙白草不見一人相其阡井多係舊荒閱其棚厨時有新折並  
無鍋盆薪炭實在私熬確據傳訊附近鄉約人等僉稱此灘煎  
戶大都來自南山澆土埋鍋約七八十口其鹽黃縹號曰鍋鈹  
本地罕銷仍赴南山售賣近因兩縣嚴禁塞井夷厨都已遠颺  
至謂附近居民取滷回家私煎私賣此惟荒村廢堡間或有之  
著名鄉鎮人烟稠密公然熬煮實所未聞蓋馱運既難巡防可  
畏熬鹽之時烟濃火熾四鄰能不震驚既熬之後白土成堆堡  
內亦難屯積卑府等察其理勢尙無匿飾惟官來則急毀官去  
則復興此等情形恐亦難免可否就近札飭各防營會同兩縣  
時常嚴巡俾絕根株之處伏候憲裁此查明西灘現經嚴禁並  
無私熬之實在情形也竊念此兩灘者地稱數十里竈稱數百  
座幾謂封禁不力卽大害於官礙及此次查明除去東灘之硝  
西灘之荒就目前之實數證夙昔之傳聞實不過十之一二各




城


池



音













衙署圖



知縣李體仁重修


邑人王學禮編纂

### 建置志

土木興作春秋必書爲其勞民力也邑自兵燹以後凡昔人所建如城池如公署如倉廩不知幾經修葺始復舊觀其他堡寨市鎮與夫驛鋪津渡之屬雖大小攸殊無非民力所普存不詳其顛末微特無以示後抑亦非春秋法也作建置志

### 城池

舊志縣治土城一座周圍八里崇九尺濠深四尺建年無考明景泰初邑令高隆加修城二丈九尺鑿池一丈五尺闊三尺各有差正德間令張鏗備置腰鋪濠塹環植以樹然址故狹易圯



清城縣志圖

縣治署

照壁



女牆則各街以眾力成之至七月回匪攻城十餘日六年四月  
擒匪擾城四十餘日城內官民賴以堅守卒無恙光緒二十一  
年秋河州狃變令張榮升飭修城濬濠四門外又建月城樹柵  
門通濠處各有耳門二十四年霪雨月餘城壞者數十處令楊  
孝寬籌款補築今惟北城樓迤西女牆之卑者尙未高堅餘則  
可恃無恐

按今之邑城建年無攷惟城內南北二寺其浮圖皆唐時立  
相傳築城時截南寺山門於外則寺在前城在後可知而縣  
署之置實在開元初城之移建於此當亦屬此時

城門四東曰承恩西曰慶成南曰迎薰北曰挹秀初設南門與  
縣衙衝明隆慶間令呂宗儒東移數十步舊時四城門扉皆在



嘉靖初令楊仲瓊培築之闊一丈八尺女牆砌以磚頗完厚萬  
厯中令田蕙於四門建樓各一增置文昌青龍奎星諸樓於東  
城上久而鋪堞漸毀柵垣馬道亦廢每值雨後水自東北來入  
東門外城濠繞流而南輒與濠平崇正九年令田臣浚濠深三  
尺廣倍之中界以環牆 國朝順治七年秋霖雨三月日有崩

地令張舜舉鳩工補葺至乾隆二十八年令興泰擴修周圍九  
里三分東三百六十丈西三百六十四丈南四百七十丈北四  
百八十丈四圍共長一千六百七十四丈高三丈六尺基厚一  
丈八尺頂一丈三尺磚堞高五尺厚二尺城樓四座城坡四處  
外有角門城上巡鋪九座嘉慶二十年地震城樓堞牆多傾圮  
令孫晉元多方捐修道光二十一年秋雨壞城令朱大源勸捐

露臺南爲儀門中爲戒石亭兩旁爲六曹廊儀門左右各有角門東角門之左爲關帝廟寅賓館館內祀蕭何曹參及土神光緒十年令張榮升重修西角門之右爲土地祠關帝廟前爲大

門係磚砌洞洞上建譙樓卽鐘樓也樓前稍南爲照牆

劉大謨有修縣

署門樓記

堂之後爲穿堂爲縣令宅最後建高樓一座嘉靖時地震

衙宇盡圯令李瑤整理之門廳堂廨宏厰逾於初增修譙樓三重偉麗壯觀瞻隆慶中令呂宗儒用堪輿言欲毀之紳耆力止仍去一層今存者僅兩層 國朝康熙間令鄧永芳又修中正

堂題後樓爲觀民樓前令夏與賢所署爲熙春臺者是也牧愛

堂卽今親民堂光緒丁丑屈繼仁之亂堂與庫並焚令李世瑛

建有記

丁丑秋蒲以土逆之變殿官署大堂延燒及二堂俱盡大吏撤余治蒲事倉卒間除瓦礫葺牆垣而居焉時首



城洞中門外餘洞數尺可容數十人同治元年逆猖負桌魚貫入其內城上礮石不及擊賊燒門幾燬矣城內急以土石實內洞始獲無恙賊退後另安小門於外旁砌以磚然猶木門也今四城均易大門又用鐵葉包裹較曩時倍形堅固

城樓四自嘉慶時修理後迭遭兵燹傾圮已久今之城東樓光緒五年令馬毓華建南樓西樓同治元年令周相焯建北樓八年令李正心建外砌磚牆層設礮眼甚為合式非僅如東臺南之徒壯觀瞻也

邑人屈聞要有重建北城樓記

衙署

縣署宅中向明址接北城唐開元宋元祐宣和金大定元大德至正間代有修葺明初主簿曹秉彝典史郭固景泰時令高隆



四十八年定制馬兵九名守兵二十九名道光三年除裁汰外存馬兵四名守兵十九名光緒三年裁馬兵二名守兵九名二十三年又裁馬兵一名守兵二名現存馬兵一名守兵八名馬一匹把總例馬二匹

外委署在永豐鎮舊制馬兵十名守兵四十名迭經裁汰至咸豐元年存馬守兵二十六名光緒三年奉 文按五收伍裁馬兵一名守兵十二名二十三年准金鎖關營移開再減二成共裁馬兵一名守兵一名現存外委馬兵一名馬一匹守兵十一名 二汛馬兵共二名每名月需倉米二石守兵共十九名每名月需倉米一石按三六九十二四月計共需米九十二石馬四匹每匹月需料豆九斗草六十束春秋二季共需豆二十一

惡尙漏網各鄉不逞之徒乘機嘯聚為變者蓬起余日率兵役捕搜巢穴縛其渠魁數十日始定無所事堂也事平後賑務孔亟日窮愿諸村落察勘戶口稽伺散放無暇晷者又數十日仍無所事堂也入冬後庶事漸就理乃謀於邑人士為重建斯堂之舉成議雖越命鳩工庀材不而月事竣落成後僉謂度諸舊址規模雖隘且二堂亦不宜久圯盍及此役盡復故觀余應之日余之為此堂非欲以壯觀瞻也慮吾民之疾苦不得達也繼自今吾將朝出暮入日坐堂上凡窮鄉僻壤羸婦孤兒之奔走赴愬者皆得直至吾前而歷陳所苦庶民無守候之憂吏無需索之權官無壅蔽之患所謂一舉而三善備焉且凡吾決一事杖一人皆在眾目觀瞻之下此心之有所惕然不敢放而政得其平斯亦所以寡吾過也不然民方易子析骸求免於溝壑之不暇而謂偃然人上也者方且土木之是興衙署之是營何忍而出此今此堂既成余志遂矣其他則俟諸歲熟以後焉

可也  
二堂時亦被燬戊寅令張爾周重修題曰通德堂四堂前令馬毓華建其戒石亭則天啟時令方應節燬之今為木牌坊上

書

聖諭十六條旁豎戒石銘碑記



桑園二一在東嶽廟內西南隅同治時令李正心置一在縣署西北光緒二十四年令楊孝寬置

申明亭在縣治西同治中令夏與賢建

總里局在縣治西南光緒七年令陳子楷建

墩臺二一在東鄉吳家寨一在西鄉桑落坊

教場在城西里許廣廓二十畝中爲演武亭旁有旗臺舊制邑壯快保以霜降日合操於此亦屬武童騎射所今地基尙存

廢公所土藥局在縣署門東後爲王公祠今改街房稅課局在縣署東南明洪武二年副使劉也先帖牢監修正統二年裁陰陽學在縣署東南明洪武時設永樂八年令王信建馬房順治七年令張舜舉以驛差繁苦自養馬匹建號房四十一間在縣



石六斗草一千四百四十束遵照部價每米豆一石該銀一兩草一束該銀一分共抵正賦銀一百二十八兩

按每名馬兵歲支銀十六兩每名守兵歲支銀六兩每馬一匹夏秋二季月支乾銀九錢俱在耀州都司署領

廢署察院在縣治南洪武十七年建爲察院分司後改爲御史行臺卽今魏晉公廟地布政分司在縣治西明正統五年建卽正學書院地按察分司在南寺東北向兵備道行署在縣治西南明萬厯間災崇正時議價售之民西安府行署在縣南偏東

縣丞署在縣治廨左廳後主簿署在縣治廨右廳後巡檢署在

永豐鎮

自兵備道下  
地址俱失考

公所

十三石一斗經十九年歉收二十六年大荒賑濟無餘至二十九年邑侯李體仁就各倉重加修葺大小戶按畝輸粟收儲市斗穀豆七千九百三十二石七斗九升七合一勺三十年又收儲市斗穀豆八千五百五十四石五斗三升一合五勺城中總里局實存穀豆共一萬三千四百七十六石三斗五升九合九勺三抄四撮六圭永豐存穀四百九十四石一斗豆九百五十八石七斗五升興市存穀一千四百一十六石七斗八升八合荆姚存穀三百八十五石三斗六合四勺豆八百四十五石三升七合六勺黨睦存穀一千五百一十五石五斗三合三勺

高陽存穀九百一十六石七斗八升八合又城內存賑餘銀買市斗穀二千七百六十石

以上市斗穀豆一萬八千二百四十七石八斗六升折京合斗穀豆二萬九千一百九十六石五斗八升



署南養濟院在邑東門內稍北明嘉靖間令李全建天啟間令方應節又移北數十武卽今東嶽廟西偏地爲孤貧羈居之所今舊址已廢並無住者漏澤園明嘉靖壬辰歲饑訓導張珂攝縣事具席瘞骸骨甚多今失其處

### 倉廩

常平倉在縣署西建年無攷共廩十四額儲京斗穀五萬石因糧由倉支給後無存

社倉舊凡十四城內南街東鄉萬興孫家莊永豐麻家街南鄉賈曲龍陽孝同西鄉興市鎮荆姚蘇坊北鄉延興大孔寨上王莊後俱廢

義倉光緒六年知縣陳子楷奉文立城中總里局一東鄉永豐



南鄉黨睦鎮日入鉗錡鎮日二龍陽鎮日六孝同鎮日四漢帝鎮 石表

鎮 車渡鎮 晉城鎮 賈曲鎮

北鄉高陽鎮初二楊家河日六封宜日五上王莊日十東當日初陶日三

池鎮 六井鎮 罕井鎮

驛鋪

祥原驛在縣署東偏馬四匹歲支草料銀九十六兩一分五釐

零馬夫四名歲支工食銀四十三兩二錢修理銀四兩五錢四

分三釐零支直銀七兩共支銀一百五十兩七錢五分六釐舊志

馬三十四匹馬夫十七名康熙時撥邊塘馬十匹馬夫四名雍正七年裁馬十六匹馬夫八名

急遞鋪凡九總鋪在縣治前南曰漢帝達渭南界憑信東南曰

龍陽達同州界船舍西曰崇德曰思武達富平界莊鎮北曰陶

堡寨

東鄉晉王堡 郭莊堡 甘南堡 直社堡 古城寨

西鄉榆村堡 良村堡 姚古村 關蘆寨 廣宜寨

南鄉善化堡 南社堡 井家堡 蘭家堡 陳莊寨

北鄉義龍堡 校家堡 萬家堡 大孔寨 延興堡

按吾邑舊時堡寨寥寥無幾同治六年狃擾攘知縣李正心奉文勸民營築各市鎮及大村堡寨林立茲撮其顯著者列於右

市鎮

城內 每月二日 七日交易

東鄉孫家莊 四日 平路廟 三日 劉家莊 七日 焦家莊 二日 馬戶 九日 蔡

知縣李體仁重修

邑人王學禮編修

經政志

一邑之政莫大於戶口田賦而屯衛次之差徭次之釐  
稅鹽法又次之至若保甲救荒所繫於民生者亦非淺  
鮮誠能本實心以行實政烏知治蒲三善不再見於今  
日耶作經政志

戶口

康熙五年戶五千五百五十二口十一萬五千四百五十八  
乾隆四十八年戶五萬二千三百七十八口二十八萬二千六  
百七十三

道光三十年戶六萬五千四十口三十萬二千九百七十六



池曰石灘達白水界通道東曰陳莊踰洛達大荔界義井東北

曰蔡鄧達澄城界窰頭鋪司兵二十一名每年支工食銀一百

二十六兩府志舊凡十六鋪兵五十七名後裁白鹵南社  
晉城温湯浩泉思文罕井七鋪兵三十六名

損夫一十二名歲支工食銀一百二十八兩五錢六分五釐零

舊志損夫四十六名歲支銀四百九十二兩八錢三分三釐零  
雍正十年裁夫三十四名銀三百六十四兩二錢六分八釐零

以上三項共銀四百五兩三錢二分一釐

### 津渡

晉城去城東南五里通同州蔡鄧去城東北六里通澄城均官渡去城東五十里武堡

去城東四十里陵起去城東五十里皆私渡車渡晉王常樂温湯舊皆有渡今

廢

易至今猶恪守焉

一等金地九十頃二十七畝一分九釐九毫每畝科糧八升七

合九勺

按撮以下細數詳賦役全書從省不載

共該糧七百九十四石二斗二升

三合八勺

每糧一石折銀一兩二錢四分三釐

共徵銀九百八十九兩二錢六分

絲忽以下細數詳賦役全書亦從省

二等銀地六千九百四十七頃八十八畝七分九釐六毫每畝

科糧五升二合共該糧三萬六千一百二十九石一升七合四

勺共徵銀四萬四千九百七十八兩四錢六釐

三等銅地五千四百一十七頃二十三畝七分每畝科糧四升

三合五勺共該糧二萬三千二十三石二斗五升七合二勺共

徵銀二萬八千六百五十七兩六錢八分六釐七毫

咸豐十年戶六萬五千五百六十六口三十萬九千三百六十  
八

光緒八年戶二萬六千六百八十五口十一萬四千六百三十  
四現冊戶二萬九千八百七十口十四萬一千三百八十七

按舊冊明洪武初戶不過七千口不過三萬嘉靖間戶增至  
九千口增至八萬崇正時戶數如故口十一萬有奇以今視  
昔雖兵荒頻仍而戶口之數較彼全盛時猶多據此則休養  
生息之澤超軼往古已

田賦

田賦均四等昉於明萬曆初知縣田蕙其法以長水灌溉者為  
金地上上大川沃壤邱陵平衍為銀為銅次之山原峻嶒鹵下



丁銀原額徵銀四千四百二十一兩五錢一釐六毫雍正五年  
奉文以糧載丁攤入地糧內徵收據康熙五十年丁數十一萬  
九千九百四十有四增銀七千七百七十兩五分四釐六毫共  
徵銀一萬二千一百九十一兩五錢五分六釐  
每丁徵銀一錢一釐七毫嗣  
後人丁孳生永不加賦

均徭銀五千六百三十八兩六錢四分八釐七毫

匠價銀一百二十一兩七錢七分

停免銀二百兩四錢八分三釐二毫

軍籍銀二千六百八十九兩五錢三釐八毫

以上四項俱攤入地糧內徵解

實徵銀一十一萬二千八百一十一兩六錢八分六毫請留駐

四等鐵地四千三百七十七頃五分二釐七毫每畝科糧三升一合三勺共該糧一萬三千七百一十一石八斗六升四合三勺共徵銀一萬七千七十五兩八分八釐

又懷德里劉君彥結首灘地四頃四十六畝每畝科糧三升共該糧一十三石八升共徵銀十六兩六錢六分八釐八毫

康熙十六年清查首報灘地五十八頃六十九畝六分二釐三毫每畝科糧二升七合六勺共該糧一百六十一石八斗五合九勺共徵銀二百一兩四錢四釐三毫又續收書手灘派糧一百五石徵銀五十一兩二錢

以上四等地並清查自首灘地一萬六千八百九十五頃九十二畝八分四釐七毫共該糧七萬三千九百三十八石

各員役俸工

典史俸薪銀三十一兩五錢二分

教諭訓導二員俸薪銀共八十兩

知縣衙門

門子二皂隸十三轎傘扇夫七庫子四斗級四并  
作三民壯二十四共五十七名每名工食六兩共

銀三百四十二兩馬快八名每名工食草料銀十六兩八錢  
共銀一百三十四兩四錢禁卒八名每名工食八兩共銀六

十四兩鐘鼓夫五名每名工  
食二兩四錢共銀十二兩

典史衙門

門子一名皂隸四名馬夫一名每  
名工食銀六兩共銀三十六兩

教諭訓導衙門

齋夫三名每名工食十二兩共銀三十六兩  
門斗三名每名工食七兩二錢共銀二十一兩

兩六錢廩生二十名每名支糧銀三兩二錢共銀六十四兩  
膳夫二名每名工食六兩六錢六分六釐五毫共銀十三兩

三錢三  
分三釐

以上各署人等遇閏增銀有差



防縣城永豐二營兵馬糧草准抵正賦銀一百二十八兩止該銀一十一萬二千六百八十三兩六錢七分六釐除荒地一頃五十三畝二分五釐免征銀八兩八錢一分一釐並新墾未升科地一千四百二十九頃一十畝三分六釐免征銀八千八百九十五兩六錢四分止該銀一十萬三千七百七十九兩二錢二分五釐

起運銀合藥味兵餉共九萬七千八百七十四兩五錢二分二釐

存留銀五千九百四兩七錢三釐

存留解司共銀四千三百一十一兩二分

存留本縣支欸共銀一千五百九十三兩六錢八分三釐

銀一百六十九兩二錢八分七釐共銀七百四十三兩六錢一分二釐

耗羨銀雍正四年奉 文民屯地丁並課程匠價銀每兩徵耗

羨銀二錢以一錢五分充公用養廉以五分置助社倉乾隆元年裁減五分照一錢五分徵收而官吏用項遂增民間完正銀一兩納加耗銀多至四錢自嘉慶初年知縣曹之升請減加耗後交者祇以庫平三錢爲準現收耗銀三萬一千一百三十五兩二錢有奇凡起運正銀每兩加耗銀一錢五分以目下計共解耗銀一萬四千六百八十一兩九錢一分一釐八毫再除解費五千外止餘銀九千六百八十一兩九錢一分一釐八毫備解攤款



一 雜支項下

春秋二季祭 文廟及各壇祠並無祀鬼魂品物等項共銀七十三兩三錢五分四釐四毫零祭旗蠹並犒賞民壯銀五兩六錢九釐七毫鄉飲銀四兩八錢三分五釐四毫零

一 孤貧項下

原額五十九名共支月糧並花布銀二百七十二兩七錢八分九釐除扣解一五銀四十九兩九錢一分八釐減平銀一十三兩九錢一分二釐外實散銀二百一十七兩九錢五分九釐乾隆二年添設額外四十六名共支月糧並花布銀一百八十一兩八錢四分五釐除扣解一五銀二十七兩二錢七分七釐減平銀九兩二錢七分四釐實散銀一百四十五兩二錢九分四釐此項如遇庫欸支絀停發者須由令整賠

一 驛站項下

見建置

古鎮公費地租銀一十九兩

唐五陵地橋陵地二十九頃九十畝四分二釐每年徵租銀三百五十八兩八錢五分一釐泰陵地二頃四十七畝徵租銀二

百五十八兩八錢五分一釐泰陵地二頃四十七畝徵租銀二



甯陝廳公費銀二十九兩 褒沔二縣銀八十兩 安邊

廳辦公銀六兩七錢四分二釐 膚施等縣銀八十二兩五

錢八分七釐 吳堡等縣經費鉛藥銀三十三兩 以上俱解司

潼商道津貼公費銀三百二十兩 修理軍牢銀十二兩

風陵渡船隻銀三十兩 同州府津貼公費銀五百六十兩

發審修金銀五十兩 發審委員薪水銀五十兩 贊禮

生銀三兩 府考棚費每年攤銀四十兩 教官送科川資

每年攤銀三兩三錢三分三釐零 以上解本道府 西安府奏銷部

費銀三十六兩 秋審部費銀二十九兩五錢 撫藩臬清

書口食銀四十六兩八錢七分 轉發咸長二縣發審經費

銀三十一兩五錢 候補官員靈樞回籍川資銀十六兩

每年攤捐各款

臬憲津貼公費銀七百兩 督憲吏書口食銀四兩一錢九

分二釐 督轅吹手工食銀二兩七錢九分七釐續增公費

銀十四兩三錢三分三釐 撫憲吏書清書口食銀二十兩

八分筆帖式銀二兩續增二十兩 臬憲吏書口食銀十五

兩經歷書役銀十五兩 學憲吏書口食銀八兩五錢一分

八釐 司庫公用錫十七兩六錢 修理司監銀十兩 錢

局工料銀八十兩 防堵局經費銀二十八兩六錢二分六

釐 鉛藥製造銀二十九兩三錢九釐 理事廳辦公銀八

兩九錢九分 解甘餉委員銀五十兩 關中書院銀七兩

刊刷條例銀三兩 由司給首府發審經費銀四十一兩



寨

尹莊寨

蔣旗寨

林吉寨

南鄉

龍陽寨

吳家寨

東南鄉

北姚寨

鬪蘆寨

西南鄉

共十三寨

屯地原額五百六十三頃七十五畝四分二釐一毫

額徵丁條馬草折布銀六百一兩四錢

額徵道倉豌豆一千一百二十石一斗二升粟米一千三百七

十六石一斗五升三合

據現冊除荒地外尙有新墾地七十七頃九畝三分至光緒三

十一年始行升科

實熟地四百二十三頃四十四畝九分三釐

實徵京斗豌豆九百五十石三斗二升粟米一千一百四十九

石二升該屯戶自赴道倉交納



鄉試年主考程儀銀一百五十兩 學憲程儀銀一百二十

兩 科場繙譯供給銀五十兩 三項每年攤銀一百六兩

六錢六分六釐零 以上解 首府 大荔發審修金銀二十兩 帮

貼禁卒口食銀十兩 修理考院及購買器具銀三十六兩

二錢九分 院考棚費銀一百五十四兩四錢 三年兩考

每年攤銀一百二兩九錢三分三釐 又攤武考棚費銀十

六兩六錢有奇 選拔年棚費銀五十兩每年攤銀四兩一

錢八分零 以上解 大荔 潼關車馬銀三百兩 本邑崇禮書院

脩火及新生印紅各廟祭祀銀六百兩 城守營賃住房租

銀十四兩五錢六分 修理墩臺銀一兩八錢

以上共銀三千九百九十二兩二錢零

節省止用一千零八串文應卽著爲定章每年准支銅錢一千串文

一協濟潼關飛差車價此該廳遇非常大差稟道札提大朝二縣支車後由五縣攤還歲無定數應隨時報明准銷

一籌備學差陵差舊章准每年提存銅錢三百串查陵差十年一次每次約用八百串每年提存八十串卽可敷用學差三年兩次每年提存二百二十串每次用錢三百三十串前將酒席歸局因不敷用今酒席歸署包辦專支車馬應比照大荔每年提存學差車馬錢一百四十串以備臨時取用免再加派年底餘存項下報明遇有新舊交卸交代清楚如有虧短准後任稟揭倘互相隱飾一遇學差勸業民間者撤參



實徵丁條等項銀五百二兩四錢七分並一五耗銀七十五兩

三錢七分二釐

此項由縣署徵收批解

### 差徭

吾邑差徭向由各里輪流經管每屆十月四鄉各舉正副一人入局任事先由本里各攤銀四百餘兩挾以入局名曰剝差俟次年二月開徵後始能派收差錢而各糧正寄寓無常催討稍懈即不免賠累光緒十年蒙上憲頒發新章每正銀一兩派銀四分隨糧並納花戶必先交差銀領取收條縣署方給糧券以免催比拖欠浮收中飽之弊當時剔荒徵熟祇收銀一千七百九十餘兩嗣後開墾日廣增至三千有奇除以銀易錢供支



由縣自給不再向局開支

以上各項每年共支錢二千一百八十八串向來一切弊累永遠除革所有餘錢舊總里交新總里接管除提備十月至次年二月用費外即將餘項發商生息以備飛差車價及荒年差錢停收之用如再有餘更可積穀備荒

光緒二十八年又奉善後局憲札以賠款甚鉅每正銀一兩統收差銀四錢歷三十九年賠款既清即行停止現計地丁銀數逾十萬共收差銀四萬一千七百一十四兩六錢零除里局存留三千九百八十三兩又扣除火耗解費七百五十四兩外實解善後局銀三萬六千九百七十七兩

釐稅

一各流差車馬酒席襍費六年以收數無多除准支四項外僅餘一百六十餘串留供襍差實不敷用是以歷年均未照辦用錢一千餘串應仿照朝邑章程酌量定擬每月由局交縣署錢五十串包辦各差所有車馬酒席襍費一切委員提差縣官進省下鄉解犯解錢糧均在其內每年共支銅錢六百串文

一局費舊章准支二百八十八串內有水火夫二名每人人工食二十四串查該局差少事省應減去一名省錢二十四串每年共支銅錢二百六十四串文

一津貼兵書紙筆五十九串四百文查各屬皆止給三十餘串應酌定每年准支銅錢二十四串文

一催差二名每年口食銅錢二十一串六伯文查差錢派差催

當稅銀二百五十兩 乾隆末當舖四十四座咸豐時增至六十餘座今僅五號每舖完銀五十兩

### 鹽法

邑舊食潞鹽每年額引五千三百七十八道商運商銷嘉慶元

年因商運多弊歸民自赴河東轉運改徵鹽課 每正銀一兩攤徵銀九分九釐

零共徵銀一萬一千二百五十兩八錢一分三釐光緒二十年

設督銷局二十二年改歸官運今已九年共銷七千餘引較舊

額尚不及十分之二 舊時每斤需制錢十文今多二倍有奇

### 保甲

東鄉一聯祥原阜劉家 郭家 李家 曹家 武家 翟家

永和堡 郭南堡 金墉堡 天樞村 後場村 王家

蔡家 磁凹蔡家 賈家 常和 黃家原



土釐光緒六年定章各土店包交坐賈銀一千六百五十六兩  
二十二年增設委員專收蒲富士釐二十六年秋以歲荒稟請  
減坐賈銀二成祇交銀一千三百二十四兩八錢並委員亦裁  
至三十年十月復加銀八百五十兩共銀二千一百七十四兩  
由縣署批解

按釐金名目舊時未有自咸豐三年粵匪猖獗始從商貨中  
每兩抽釐以濟軍餉其專屬嬰粟者謂之土釐坐賈曰板釐  
商販曰活釐每歲所人多稅則數倍姑誌其緣起俾留心時  
務者有所考鏡焉

課程銀七十二兩七錢一分

向係舖戶出辦後  
因市鎮蕭條免徵

畜稅銀二百三十八兩儘收儘解無定額

六聯高閣韓家 原家 馬家 董家 柳家 南王邢家

尖角王家 蔡家 鹵池崔家 羅家 荒地李家

七聯孫家莊

八聯郭莊 東新莊 西新莊 馮家莊 党家莊 東陳家

莊 西陳家莊 六畛村 高莊村 南原頭 史家窰

九聯晉王 塲曲 東平路王家 廟前村 王家台 花園

西坡底 賀家村

十聯上寨 下寨 蒙家 平路 伏龍 柿園

十一聯平莪西南村 上塲村 堡子村 後村 萬興曹家

胡家 趙家 小萬興 洞兒坡 張家凹 劉家凹 萬

興前槐院 後槐院 東槐院

二聯新莊 單家原 何家原 戴家原 吳家原 東楊家

康家村 磁凹魏

三聯靳家原 岳興村 東坡里 堡子村 北頭村 張家

後村 南頭村 尙家村 上院村 東南村 六甲村 前

頭村 戶安杜家 王家 井家 寺前 東原村 東塋上

井新莊 廟西村 北戶安上村 下村 北村 椿林村

陰家村 東燕村 西燕村

四聯賈王莊 五塚 東塋村 興義村 池兒村 温家村

白家原 楊家村 麥里村 上村 皂角樹 東張家

西張家 保內孫家 王家 蒙家 闞家 邢家 凹河村

五聯敬母寺前村 後村 東山上 西山上 關東 太陵

村 馬家村 上山西 下山西 史家村 蒿地村 石道



十七聯 永平村 富原 劉家莊 西村 東村 北村 馬

莊村 傅家莊 劉村 桐樹坪 前凹村 後凹村 惠家

密科

十八聯 堯堡 靈前村 曹溪村 中村 東堡 西堡

西路村 西埝村 東路村 趁地村 南新村

十九聯 永豐村 曲里村 東固村 西固村 蔡村 梁家

城

二十聯 永豐鎮 王曲村

二十一聯 避難村 西村 東村 南村 廟後村 東溝村

原上村 寺莊 南龍村 北龍村 孫家 船頭 王渠

索渠 段渠 楊家上村 上河村

十二聯常樂 前阿婆村 後阿婆村 直社 原下上塹村

原下上村 老村 南靈起 北靈起 武備村東原 西

原 焦家莊 甘北 甘南 白楊樹村 東密村

十三聯 白吉寺 石羊村 漢村 老村 中村 北社

南社

十四聯路上村 楊家溝 河城村 党家溝 腰党村 石

灰店王屋 塢泥 石馬村 樓子原 坡底 温湯 河石

原 王武村 龍山頭 唐家堡

十五聯王家灣 西堡 東堡 岔里村 梁家坡 上佛里

村 佛里曹家 任家 馬家溝 張家村 劉家溝 上村

老村 鳳石村 莊里村 朱村 方坡村 田家灣

家村 趙家村 河上村 陳家村 西張堡 東張堡 泉

腦頭 東彭村 西彭村

三聯 上莊堡 管門孫堡 西劉堡 北劉堡 雷家 周家

岳家 後泉孫堡 井家東村 西村 汪家 王家 宋

家

四聯 西安王李家 賈家 謝家 北安王武家 張家 馬

家城 何家堡 齊家堡 上原堡 邢家 魏家 劉家

方家 樊家 安王東堡 西堡 南堡

五聯 興市鎮

六聯 喬陵頭 葉李村 沈家莊 雷李堡 三里村 曹昌

堡 姜麻堡 坡頭李家 胡家 路家



三十二聯西頭堡 廟底村 申家寨 申家村 雷家坡

南坡村 韋村 南莊 楊家墩 麻家街 杏樹窩科 李

家坡 阿村 李家前頭 坡底 下池村 麻家池 韓家

坡

二十三聯西塹 北塹 池岸村 寺東 蒙家前頭 丁家

莊 党家灣 老樹崖 南堡 東塹 安家堡 張家後村

韓家堡慶興 索家 南家 韓家 喬梓坡 蒙家坡

小凹村 蒙家新莊 蔡鄧鎮

西鄉一聯屈家老堡 東堡 西堡 原家東村 中村 西

村 花王 蔡梁 羅家莊 原家 張家 王家 韓家

陵上村 董家村 十里舖周家 李家 白家渠南村 北

西堡 後堡 何家 萬家

十二聯 蘇坊張家 劉家 張趙家 陳家 前李家 後李

家 前齊堡 後齊堡 東齊堡 魚堡 連城堡 賀家堡

十三聯 大莊連家 封北堡 封南堡 惠家 垣頭村 東

武店 東堡 西堡 南堡 北堡 金粟堡 劉家堡

十四聯 南高村 北姚村簡堡 趙堡 李堡 彭堡 下原

簡家 王家 宋家 東原上 竇家圪塆 崇德東徐家

西徐家 前成家 後成家 蘇家 閻家 南城堡 中東

堡 中西堡 南姚村党家 韓家 權家 前房家 後房

家 姚公鎮張家 雷家 西溝裏 上李家 西張家 封

村賀家 彭家 王家 曲陽堡 嶺兒姜家 瓦王 侯家

七聯曹家莊 樓底里 南堡子 東莊里 十字口 稍門

堡 坡底南慶村 坡底村王家 李家 中慶張堡 西北

堡 東北堡 東南堡 正北堡 正南堡 西堡

八聯余村張家堡 新城 楊家堡 上槐院 姚堡 坡底

雷家南阜 趙家 老城 前槐院

九聯尖角 化木 太豐村 炭渣坡 老莊 東新村 張

家 賀家 許家 西馬家 范家 韋家 前王堡 繩王

堡 車王堡 中王堡

十聯肖古村 郭廉家 絨張 夏村 喬村 肖家莊 田

村 南車王 樓底 北慶樓底 路家老堡 東堡 南堡

安樂坊



喬村

二十聯 荆姚鎮

二十一聯 甘池王家 韓家 吳家 趙家 彥王 石碑村

冉王 東姜家 南姜家 北姜家

二十二聯 王子村 田家 同家 南同家 王家 廟後村 亢

家村 明德村 劉家 張家 東張家 蒲李村 南原王家

北原王家

二十三聯 惠王村

二十四聯 魏村 任家原 梁銀村 西劉村 周家 吳村

中村 葉村 許家

二十五聯 北李村 和睦東程家 西程家 襄王 高樓村

南坡裏

十五聯 雷坊村後堡 中堡 前堡 岳家莊馬村 周家村

常家 米家 李家 趙家

十六聯 紀村東堡 西堡 馮家 楊家 南堡 下院村

唐村 尙家 前雷家 後雷家 中雷家 孟郊村溝東

溝西

十七聯 板橋渡王家 雷家 楊家 張家 李家 任家

高都村魏家 東張家 西張家 魯家 姜家 段家 西

段家 大戶惠家 寺後惠家 小戶惠家 南常家北常家

十八聯 璋寶村惠家 張家 許家 奚家 馬家 劉家

李家 廣宜村

中陽村 賈曲鎮 東堡

六聯西莊 馬家 頁巷 獅子巷 臺臺村 林檎園 槐

院 南賈曲

七聯懷德姚家 北村 南村 西村 北社 中社 南社

許社 三里村 賢坡

八聯內府楊家 奚家 劉家 張家 寇家

九聯西陳莊薛家 姚家 徐家 東陳莊任家 劉家

十聯思堡村張家 郭家 馮家

十一聯水南村

十二聯甘池樊家 閻家村 東莊樊家 西莊樊家 池岸

楊家 周魏村 莊後樊家 王家 聚園劉家



党家 范家 柯村 東村 西村 北村 和睦蒲家

史家坡 史家新莊 庵前 花馬惠家

南鄉一聯竇家 韓家原 周家原 世興張家 胡家原

雙酒坊 東李家 中李家 西李家 東洞兒 西洞兒

木匠馮家 坡底雷家

二聯韓家 關家 瓦郭 常家樓 上原杜家 下原杜家

和睦村李家 成家 劉家底下 霍家 吳家 五龍莊

八里莊 木匠村王家 白家 河裏張家 鐵匠南村

頁巷 鞋劉

三聯宜安劉家 郭家 牒家 小寺村 王城子 粟周家

西李家 前宜安甯家

村 南社 東社 油村 武邑 寺前頭 東波波 西沙

坡 賀家 楊家 杜家 廟河 凹里

十九聯 林吉村坡上 五畛

二十聯 蕭家莊 張王莊東村 西村 孫家老莊 新莊

漢村 武家 萬善村 車渡村 陳家老莊 東村 常家

新莊 杜家老村 新村 東村 李家灣 喬家灣

二十一聯 南石彪康家 劉家 李家

二十二聯 晉城鎮

二十三聯 井馮堡 輔轄 池頭南堡 中村 北村 北蔣

家 南蔣家 佛殿

二十四聯 高樓子 南郭家 興隆村 孝同鎮 白廟新莊

十三聯五更村路家 王家 重泉郝家 孫家 北城南

南城南 北鈴餌 南鈴餌 平頭莊 堡上村

十四聯店子東村 西村 南村 蒲石村 望溪韓家 龍

陽北堡 西堡 南堡 西凹里 郭家 陳家 蘭家

十五聯北白鹵 中白鹵 南白鹵 王家堡 東安豐井家

王家 西安豐屈家 郭家 杜家 井村張家 宋家

井家

十六聯北漢帝 南漢帝 東南薛家 紀家村 西村 民

地 李家 史張

十七聯善化劉家 許家 小王村 城子村 北岡洲 張

家村 史家村 小寨 念王 何家村 拔樓村梁家 張

家 坡底東蘭家 中蘭家 西蘭家



堡 礮兒山 柳家山 趙家山 窩榭子 永興堡 永甯

堡 紅池原家

五聯 上萬家 下萬家 上曹家 下曹家 閻家 劉家

上溝北 下溝北 新至坡 槐樹底 黃家

六聯 貝陽東村 西村 後村 廟上村 西山杜家 陽東

村

七聯 田家廟台 趙家坡 唐堯村 鄭家池 太嶺村 大

峪 圪塔 文書村 故坡 喬家 閻家

八聯 東加祿 南加祿 北加祿 下河裏 北城 漢寨

四里 馬窩村

九聯 水峪陳家 原家 清泉村 姜家窩 靈凹 安家 高

二十五聯董家村 北石彪屈家 堰城新莊 莊果村 焦

村 莊子 龍池 南興村 後村 西社 南村 前村

西村

北鄉一聯上原堡 西堡 長善堡 方城堡 北村

二聯池陽樊家 李家 後村 西村 趙家 劉家 陶池

校家 前堡 後堡 張家東村 西村 山陽村李家 劉

家 宋家 上谿頭 下谿頭 東山懷 西山懷 大睦村

王家 屈家

三聯祥村東村 西村 後村 姜家凹 堯山阜馬家 寶

家 宦家 頁莊 南草地 東草地 申家墩

四聯坡頭老堡 小堡 索家 郭家 義和東村 西村

南村 北村 川里李家 馬家 謝家 雙廟村 東曹家

村 塚子村 韓家新莊 南山上 武儀

十六聯 新莊 陸家堡 永盛堡 東王村賀家 馬家 高

城 南白隄 北白隄

十七聯 張河堡 原上村 西南村劉家 王家 前社 中

社

十八聯 趙賀村 東葦村 西葦村 張王莊 辛黃村

十九聯 王家堡 池東村 池西村 草地上城 下城 田

家 周堡 蔣家 灘澗東城 西城 小孔寨 上村 新

村 瓜圪撈

二十聯 六井曹家 張家堡 梁家 蔣家 南城 北城

橋上方里



陽鎮

十聯趙家村 韓家窰 三甲村 陳家堡 馬蓮灘 榆樹

坪 西伏頭 溝東村 會同 樓底

十一聯東党前村 東村 堡子村 秦家 党家 虎頭村

仁和村 上城堡 蟠龍堡 北坡 杜家壕新莊 王家

李家 鄭家 興昌堡

十二聯罕井鎮彌家 中村 樊家新莊 老城 凹里

十三聯文中東堡 樊家凹 樊家東城 北城 東頭村

西頭村 中西村 馬家山 尉家山 許家村

十四聯大孔寨 成家坡 唐家莊 豁口村

十五聯山東村 上王莊 倉後村 東頭村 紅土坡 王

漢寨 杜家原 杜家灣 杜家莊 原圪塔 北坡 長峪

神溝村 過澗村

### 救荒

光緒三年大旱八月知縣李殿爵劉志同先後奉委會同蒲令  
清查戶口勸紳民捐借九月城內設粥廠二又於城隍廟設慈  
幼堂收養嬰孩五百七十餘名日給麵五兩貧婦六十名經管  
小兒女飲食日給麵六兩至十月一律散糧男女大口九萬一  
千六百三名日給四兩小口三萬三千一百四十九名日給二  
兩十日散放一次城中設賑濟總局四鄉各設分局委員會紳  
士辦理是月三十日知縣李稟賑務大概云 敬稟者竊卑縣地  
方遼闊所管民戶  
一百零八聯軍戶十三寨現經到處清查無遺無濫極貧男女  
大口共九萬一千六百一十六口小口共三萬三千六百二十

二十一聯 唐家原 閻家莊 橋西

二十二聯 井家原 井家堡 井家河 東坡 郝家山 藍

家溝 相王溝 寺背後 楊家河 周家溝 白家山 劉

家溝 徐家山 化王村 陳家山 南溝里 長畛 周家

原 武家原 曹家河

二十三聯 南下莊 北下莊 路家東原 西原 故縣村

陶穴村 任家原 路家河 井家塔 鴨口村 上馬村

欽家原 胡家原

二十四聯 高陽鎮 牛家原 賈家原 李家河 賀家原

鐵王河 李家堡 高樓河 灣子村 圪塔村 東栗園

西栗家 祖溝村 洞子村 丁家河 南溝 北溝 西坡



戶需京斗麥六百零六石又慈幼堂存積銀錢五百兩需京斗  
麥一十五石一斗五升以上三項每月共需京斗麥七千一百  
九十二石五斗九升卑職伏查前奉發庫平銀買京斗麥一千  
四十二石五斗九升銀買京斗麥一千三百六十石一斗又奉撥  
臨潼京斗麥三千石又奉撥草灘京斗麥二百五十七石三斗二升除  
荔京斗麥一千石又捐輸京斗麥八百五十七石三斗二升除  
已散發及奉撥尚未運到之華州京斗麥三千石不計外又各  
聯自捐自散尚能接濟者及各聯捐數未齊今始續繳者卑職  
通盤合計截長補短賑糧僅能敷散至冬月二十日止其後日  
之糧仍仰懇 憲台籌撥接濟卑職核閱賑局帳目現局存京  
斗麥六百三十八石五斗七升存倉京斗麥八十石零存銀三  
千四百一十五兩五錢三分存錢一千六百七十四千零以及  
運費薪水口食各項費用毋論巨細出入皆由賑濟局紳耆總  
理專管外人不得假手卑職諭限按日呈帳核閱伏查節逾小  
雪種麥愆期賑務方長卑職惟有仰體 憲意竭力補救查卑  
縣前辦捐輸數僅萬餘非不知為數太少因其時賑務未能就  
緒人心甚屬浮動故諭令各聯捐辦各聯此不過暫安富戶之  
心而救殘黎之急現在賑濟一律散放捐輸自應妥為續辦惟  
各聯富戶賢愚不齊亟宜分別以示勸懲除一經面諭即行捐  
辦情實可嘉者不再重捐外其屢經勸諭始終慳吝者容卑職  
訪查明確破除情面從嚴勸辦總期集腋成裘於賑有濟此即  
需糧數目及續辦捐輸之實在情形也委員知縣秦令懋霖會  
同郎中張從恪雷慎修文生張文明專辦西鄉分駐距縣五十

五口復將小口折準大口共一萬六千八百一十三口統計合  
算一十萬八千四百二十九口卑職會同委員及紳耆公同酌  
議章程除富聯自捐自散外所有極貧災重之區一面清查戶  
口一面散發賑糧先救垂斃自九月十五日始大口四兩小口  
二兩俱用根票蓋用縣印註明戶口先日散票次日領糧十日  
輪散一次俾委員紳士得以週轉眼同監散卑職於赴鄉稽查  
戶口之際酌量散發接濟是以先後不齊且維時奉撥麥石及  
採買之糧運回無多勢難普散不得不因時權宜先救垂斃此  
卽未能辦理一律之實在情形也迨至十月初旬各聯紛紛具  
稟捐糧告罄幸此時各路糧石陸續運至卑職卽商同委員督  
飭紳耆於四路適中堡寨擇地儲糧趕於十月十五日起四鄉  
照章一律普散惟是一律開賑以後逃回饑民日甚一日且時  
屆隆冬不無死亡如現在之次貧卽將來之極貧以上三層在  
在均關緊要亟宜安撫清查現於各聯添派紳士專司其事其  
開賑以後逃回者飭令查明果係極貧取具本村鄰族切結隨  
卽入冊填票給糧以杜重冒而救垂危其死亡饑民飭令隨卽  
開除五日一報惟內中多有孤寡及無力埋葬者情實可憫已  
由縣局備購葦席發交各聯就村掩埋用示體卹其次貧應歸  
入極貧者飭令各聯先期具報隨於散糧之日委員總紳就便  
察看虛實酌核辦理另案稟報此卽一律開賑及現在清查續  
回饑民之實在情形也伏查縣城男女粥廠數逾萬人現已一  
律開賑自應趕緊清查遣歸各聯領麥惟內中多有無家可歸  
者仍須格外體卹酌量辦理容俟查核清楚裁廠之日另案稟



賑除極貧者死亡節次增入次貧外實存男女大口共八萬四千六百六十名小口三萬二千二百有奇

賑糧數目

臨潼撥京斗麥三十石 草灘撥麥二千石 大荔撥麥一千石 華州撥麥三千石 涇陽撥麥

三千石 咸陽撥麥三千石 省城預備倉發豌豆五千一百石 廣備倉發麥穀二千石 南大米二千石 草灘局

運南糧三千石 華陰局運南糧一千石 潼關局運南糧三千四百七十七石 三河口運南糧一千石 汝州運南糧七

百九十七石 本縣紳民共捐麥一千六百一十五石 由咸陽採買籽種麥一千八百石 草灘採買麥三十五石 豌豆一千九百六十四石 又採

買雜糧二千五百二十二石 以上共京斗三萬九千八百八十三石

賑銀數目 賑局委解銀五千兩 部堂閩委解山東協濟銀三千兩 捐免洋藥釐金銀三千五百十九兩

本地洋藥釐金銀一千八百六十四兩 潼關運局銀四百二十七兩 汝州運局銀一千九百九十二兩 本地紳民

共捐銀二萬九千 以上共庫平銀四萬五千三百六十兩 四百九十四兩

部堂閩委解山東協濟銀三千兩 捐免洋藥釐金銀三千五百十九兩

本地洋藥釐金銀一千八百六十四兩 潼關運局銀四百二十七兩

汝州運局銀一千九百九十二兩 本地紳民共捐銀二萬九千

以上共庫平銀四萬五千三百六十兩

部堂閩委解山東協濟銀三千兩 捐免洋藥釐金銀三千五百十九兩

本地洋藥釐金銀一千八百六十四兩 潼關運局銀四百二十七兩

汝州運局銀一千九百九十二兩 本地紳民共捐銀二萬九千

以上共庫平銀四萬五千三百六十兩

四百九十四兩



里之姚公村知縣李令殿爵會同武舉張映魁貢生萬世俊文  
生何凌珍專辦北鄉分駐距縣五十里之高陽鎮委員舒縣丞  
紹祥會同舉人黃時中貢生段坤維常之傑專辦東鄉分駐距  
縣三十里之孫家莊巡檢陳紹岐會同舉人李桂芳文生米光  
謙專辦南鄉分駐距縣三十里之党木鎮以專責成城內總局  
則有舉人高偉騫貢生竇光啟職員井永汲均能勤勉任事卑  
職身膺民社責有攸歸仍當分期親赴各鄉稽查彈壓會晤委  
員籌商事宜隨時稟報伏思陝省被災太廣處處需賑不特需  
欸甚鉅而且爲日甚長兼值庫欸支絀籌發維艱卑縣荷蒙  
憲恩籌撥賑糧源源接濟卑職奉職無狀貽禍災區晝夜焚香  
實爲十萬哀鴻感泣不盡惟有勉竭駑駘矢心報効以期仰副  
憲台體卹民依拯救殘黎之至意所有查清四鄉極貧戶口  
數目並紳士姓名及現在一律普  
散情形各緣由肅此具稟云云

十一月撤粥廠十二月遣壯  
丁赴南山自荆紫關分程滾運南米爲以工代賑之計又派舉  
人張鐸住郡城司轉運事

四年二月閩侍郎委解山東協賑銀至三月斗粟錢二千六七  
百文黃河運南糧至三河口是月雨常賑外兼散穀黍各種派

大小車二百餘兩赴汝州領運南糧四月下旬大雨累日請展

二十六年秋饑冬十月開賑城內設總局

訓導馮庚經理馮後丁艱代以附貢原烈

舉人王孚佐等北關設粥廠生員吳俊等經理

東鄉局設焦家莊

廩生王學典等經理

西鄉局設

興市鎮

庠生王天薦等經理

南鄉局設黨睦

庠生秦鏡蓉等經理

北鄉局設陶池

庠生

張守愚等經理

先散本地籌捐之糧繼散倉糧後散

上憲撥發之糧

至二十七年六月底止共賑九次初賑男女大小極貧五萬四

千六口後漸增至八萬七千七百六十一口大口給麥豆六升

小口四升粟穀則加倍惟第九賑奉發南米每大口五升小口

減半合之設粥廠賑寒士共用京斗麥穀米豆四項糧四萬五

千二百六十七石七斗九升五合六勺錢九千三百二十三

一百九十六文銀六千七百八十七兩六錢

係潼關運米

此外

又有浙江義賑銀二萬四千兩

係浙省紳民捐湊遠來救饑者其督事諸人每到各村必親入



五年春知縣馬毓華以青黃不接又請賑卹正月十五日在城中設粥廠復遣紳士赴四鄉散糧二次每次給大口米七斤半小口減半共賑過貧民大口四萬五千九百八十一名小口七千二百八十八名至四月初一律停止共用京斗米五千八百八十三石九斗五升二合八勺又散給寒上錢初次二十一名每名四千二次一百七十二名每名三千內有舉人五名每名六千共用錢六百一十三千文

賑糧數目

由省領回京斗南米四千石 採買京斗米二千六百八十五石七斗一升 邑紳捐小米三百石

以上共京斗米六千九百八十五石七斗一升


賑銀數目

賑餘銀六十二兩 錢一十九千五百五十文 省局撥平糶銀五千五百八兩 本地捐銀三千

三百一十四兩三錢六分二釐五毫 河東協賑銀九百六十兩 本年捐輸運腳銀六千九百一十七兩四錢四分五

錢二千七百一十七兩四分五釐





其室見其人方肯給錢自五千至一千多寡不等以其不邀議敘故名義賑

糧銀數目

本縣常平義倉存京斗穀一萬八千九百六十七石六斗一升八合豌豆四千六百二十二石八斗

本地捐京斗麥一萬二千四百一十五石六斗七升 彭邑侯捐京斗麥一百二十八石 奉 文撥京斗麥二千石

綠豆五百石

南米四千石

又奉

文五次發庫平銀

二萬五千兩

本地捐銀六千九百五十四兩三錢除動用

外尚存京斗米九十三石九斗 庫平銀六百九十三兩五錢七分錢一千六百六十七千九百九十七文

按救荒無善策總在隨時調劑得平此次賑務因抽捐囤麥

並散寒士糧過厚以致謗譏滋興凡與馮訓導不睦者靡不

藉端稟許先後經曾太守廉王太守公亮丁大令偉奉委查

辦並兩次出示招告卒鮮實據邑中文武諸紳被累者甚多

後之辦賑者其慎始哉



